



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Collegiis Canonicorum Per Germaniam, Belgivm, Galliam, Hispaniam, Italiam, Aliasque Orbis Christiani Prouincias, Liber Singvlaris

Le Mire, Aubert

Coloniae Agrippinae, 1615

Capvt IV. B. Mariæ Tvngrense Collegium in diocesi Leodiensi.

urn:nbn:de:hbz:466:1-11227

S. Petro dicatum, item *Diua Virginis* ædem eximiam, & *S. Simeonis* peruetustam Basilicam, quæ totidem collegia sunt Canonorum. Sunt insuper in vrbe, præter *D. Martini* Abbatiam *Benedictinorum*, quatuor *Ordinum Mendicantium*, *Augustinensium*, *Carmelitarum*, *Prædicatorum*, & *Franciscanorū* conuentus: Adhæc *Teutonicorum* & *Ioannitarum* Aedes amplissimæ cū Basilicis, itemq; collegium *Societatis Iesu*. Muliebris verò sexus, intra & extra urbem, monasteria sunt varia, in quibus eminent, quod *Horreum* vulgò nuncupatur. In suburbano sunt tres Abbatia præclaræ, videlicet *Sancti Maximini*, *Sancti Matthie*, & *S. Mariæ ad Martyres*, vbi olim *Capitolium* fuit: item *Clauftrum* amplissimum *Carthusianorum*, & insignis *Ecclesia* collegiata *S. Paulini*.

CAPVT IV.

B. MARIAE TVNGRENSE COLLEGIUM in diœcesi Leodiensi.

TVngri veteres sunt *Galliæ Belgicæ* populi, *Tacito*, alijsq; scriptoribus antiquis noti, quorum hodieque opidum vulgò *Tongerem* nuncupatum, exstat tertio à *Leodio* milliari. In hoc opido sedes fuit olim *Episcopalis*, quæ postea *Traiecti ad Mosã*, ac demum *Leodij* fuit collocata, vbi hodieq; perstat.

Tungren-

Tungrense porrò collegium auspicia sua refert ad *S. Maternum*, B. Petri Apostoli discipulum, Colonensium, Treuerensium, & Tungrensiū Apostolum, primumque Episcopum.

CAPVT V.

S. MARIAE COLLEGIUM CATHEDRALE in vrbe Parisiensi.

Religionis Christianæ primordia accepta ferunt Parisienses *S. Dionysio*, primo illius vrbis Episcopo, quem etsi plerique cōtendant fuisse Dionysium Areopagitam, ego tamen malim subscribere sententiæ Gregorij Turonensis, qui dicit Dionysium primum Episcopum Parisiensem venisse in Galliam Decio & Grato consulibus; hoc est, anno salutis ducētesimo quinquagesimo primo, iuxta calculum vulgarem.

Quis prima iecerit fundamenta Templi & Collegij Parisiensis, in tanta rerum vetustate difficilè fuerit affirmare. Ex monumentis illius Ecclesiæ constat per *Hercaudum XLII*. Episcopū Parisiensem temporibus Caroli Magni amplissimam Deiparæ Basilicam, (quæ cum admiratione à ciuibus & exteris hodiè spectatur) primū ædificari cœptam, deindè à *Mauritio LXX*. Episcopo Parisiensi temporibus Philippi Augusti, Galliæ Regis auctam, ac demum ab *Odone* Mauritij successore anno 1222. absolutam fuisse.

S. GER-